

文淵閣

影印

四庫全書

影印

文淵閣四庫全書

第二六九冊

北京出版集團公司
北京出版社

圖書在版編目(CIP)數據

影印文淵閣四庫全書 / (清)紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字(2012)第059042號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清)紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本冊目次

舊

唐

書(二)

後晉

劉

昫等奉敕撰

……

附考

證

清

沈德潛等撰

一

欽定四庫全書

史部
舊唐書卷三十八

詳校官編修臣曹城

洗馬臣王坦修覆勘

覆校官主事臣李駿

校對官中書臣朱圻

謄錄監生臣伍士鵬

欽定四庫全書

舊唐書卷三十八

後晉司空同中書門下平章事劉昫撰

志第十八

地理一

王者司牧黎元方制天下列井田而底職貢分縣道以
控華夷雖皇墳帝典之殊塗禹貢周官之異制其於建
侯胙土頒瑞剖符外湊百蠻內親九牧古之元首咸有
欽定四庫全書

舊唐書
卷三十八

意焉然子弟受封周室竟貽於衰削郡縣為理秦人不
免於敗亡蓋德業有淺深制置無工拙殷周未為得秦
漢未為非撫實而言在哲后守成而已謹詳前代隆平
之時校今日耗登之數存諸戶籍以志休期昔秦并天
下裂地為四十九郡郡置守尉以御史監之其地西臨
洮而北沙漠東縈南帶皆際海濱漢興以秦郡稍大析
置郡國武帝斥越攘胡土宇彌廣哀平之季凡郡國百
有三縣千三百一十四道三十二侯國二百四十一而

諸郡置十三郡刺史分統之

謂司隸并荆兗豫揚冀青徐益交梁幽等十三州

漢地東西九千三百二里南北一萬二千三百六十八里後漢郡國百有五縣道侯國千一百八十六亦如西京之制置十三州刺史以充郡守其地廣袤亦如前制曹魏之時三分鼎峙淮漢之間鞠為闢壤洎太康混一尋陷胡戎南北分爭何暇疆理三百年間廢置不一及隋氏平陳寰區一統大業三年改州為郡亦如漢制置司隸刺史以糾郡守大凡隋簿郡百九十縣一千二百

欽定四庫全書

舊唐書卷三十八

二

五十五戶八百九十萬七千五百三十六口四千六百一萬九千九百五十六其地東西九千三百里南北一萬四千八百一十五里東南皆際大海西至且末北至五原隋氏之極盛也及大業季年羣盜蜂起郡縣淪陷戶口減耗高祖受命之初改郡為州太守並稱刺史其緣邊鎮守及襟帶之地置總管府以統軍戎至武德七年改總管府為都督府自隋季喪亂羣盜初附權置州郡倍於開皇大業之間貞觀元年悉令併省始於山河

形便分為十道一曰關內道二曰河南道三曰河東道

四曰河北道五曰山南道六曰隴右道七曰淮南道八

曰江南道九曰劍南道十曰嶺南道至十三年定簿凡

州府三百五十八縣一千五百五十一至十四年平高

昌又增二州六縣自北珍突厥頡利西平高昌北踰陰

山西抵大漠其地東極海西至焉耆南盡林州南境北

接薛延陀界凡東西九千五百一十里南北萬六千九

百一十八里高宗時平高麗百濟遼海已東皆為州俄

欽定四庫全書

舊唐書卷三十八

三

而復叛不入提封景雲三年分天下郡縣置二十四都督府以統之議者以權重不便尋亦罷之開元二十一年分天下為十五道每道置採訪使檢察非法如漢刺史之職

京畿採訪使

理京師城內

都畿

理東都城內

關內

以京官遙領

河南

理汴

州河東

理蒲州

河北

理魏州

隴右

理鄯州

山南

理襄州

山南

西道

理梁州

劍南

理益州

淮南

理揚州

江南

理蘇州

江西

道

理洪州

黔中

理黔州

嶺南

理廣州

又於邊境置節度經略使

式遏四夷凡節度使十經畧守捉使三大凡鎮兵四十九萬人戎馬

八萬餘匹每歲經費衣賜則二十萬足段軍食則百

九十萬石大凡千二百一十萬開元已前每年邊用不過二百萬天寶中至於

是安西節度使撫寧西域統龜茲焉耆于闐疎勒四國

安西都護府治所在龜茲國城內管戍兵二萬四千人

馬二千七百匹衣賜六十二萬足段馬者治所在安西

府東八百里于闐在安西府南二北庭節度使防制突

騎施堅昆斬管瀚海天山伊吾三軍北庭節度使所治在北庭都護府管

兵二萬人馬五千匹衣賜四十八萬足段突騎施牙帳

在北庭府西北三十餘里堅昆斬在北庭府北七千里

欽定四庫全書舊唐書卷三十八

東北去斬啜千七百餘里瀚海軍在北庭府城內管兵萬

二千人馬四千二百匹天山軍在西州城內管兵五千

人馬五百匹伊吾軍在伊州西北三百匹河西節度使斷隔

百里甘露川管兵三千人馬三百匹羌胡統赤水大斗建康寧寇玉門墨離豆盧新泉等八

軍張掖交城白亭三守捉河西節度使治在涼州管兵七萬三千人馬萬九千四百

足衣賜歲百八十萬足段赤水軍在涼州城內管兵三

萬三千人馬萬三千匹大斗軍在涼州西二百餘里管

兵七千五百人馬四千四百匹建康軍在涼州西二百

里管兵五千三百人馬五百匹寧寇軍在涼州東北千

餘里五門軍在肅州西二百里管兵五千二百人馬六

百足墨離軍在瓜州西北千里管兵五千四百匹

豆盧軍在沙州城內管兵四千三百人馬四百匹新泉

軍在會州西北二百餘里管兵千人張掖守捉在涼州

南二里管兵五百人交城守捉在涼州西二百里管兵

千人白亭守捉在涼州西北五百里管兵千七百人

朔方節度使捍禦北狄統經略豐安定遠西受降城東

受降城安北都護振武等七軍府朔方節度使治靈州管兵六萬四千七百

人馬四千三百匹衣賜二百萬足段經畧軍理靈州城

內管兵二萬七百人馬三千匹豐安軍在靈州西黃河

外百八十里管兵八千人馬三千三百匹定遠城在靈州

東北二百里黃河外管兵七千人馬三千匹西受降城

在豐州北黃河外八千里管兵七千人馬七千匹安

北都護府治在中受降城黃河北岸管兵六千人馬二

千匹東受降城在勝州東北二百里管兵七千人馬千

七百匹振武軍在單于東都護府城內管兵九千人馬

千六百匹河東節度使倚角朔方以禦北狄統天兵大同橫

欽定四庫全書舊唐書卷三十八

野奇嵐等四軍忻代嵐三州雲中守捉河東節度使治太原府管兵五

萬五千人馬萬四千匹衣賜歲百二十六萬足段軍糧

五十萬石天兵軍理太原府城內管兵三萬人馬五千

五百匹雲中守捉在單于府西北二百七十里管兵七

千七百匹人馬二千匹大同軍在代州北三百里管兵九

千五百匹人馬五千五百匹橫野軍在蔚州東北一百四

十里管兵三千人馬八百匹忻州在太原府北一百八

十人嵐州在太原府西北二百五十里管兵三千人奇

嵐軍在嵐州北一百范陽節度使臨制奚契丹統經畧威

武清夷靜塞恒陽北平高陽唐興橫海等九軍范陽節度使理

幽州管兵九萬一千四百人馬六千五百匹衣賜八十

萬足段軍糧五十萬石經畧軍在幽州城內管軍三萬

人馬五千四百足威武軍在瀘州城內管兵萬人馬三百足靜塞軍
在蜀州城內管兵萬人馬五百足恒陽軍在恒州
城東管兵三千五百人北平軍在定州城內管兵六千
人高陽軍在易州城內管兵六千人唐興軍在漢州
城內管兵六千人橫海軍在滄州城內管兵六千人
盧軍節度使鎮撫室韋韃韐統平盧盧龍二軍榆關守
捉安東都護府平盧軍節度使治在營州管兵七千
五百人馬五千五百足平盧軍在營州
城內管兵萬人馬三千二百足榆關守捉在營州城內西四百八
十里管兵三百人馬八百足安東都護府在營州
東二百七十里管兵八百五十人馬七百足
隴右節
度使以備羌戎統臨洮河源白水安人振威威戎莫門

欽定四庫全書

舊唐書
卷三十八

六

寧塞積石鎮西等九軍綏和合川平夷三守捉隴右節
度使在節
鄯州管兵七萬人馬六百足衣賜二百五十萬足段臨
洮軍在鄯州城內管兵五千人馬八千足河源軍在
鄯州西二百二十里管兵四千人馬六百五十足白水軍
在鄯州西北二百三十里管兵四千人馬五百足安人
軍在鄯州界星宿川西兵萬人馬五百足威戎軍在鄯
州西北三百五十里管兵千人馬五十足綏和守捉在
鄯州西南二百五十里管兵千人馬五十足
百人馬二百足寧塞軍在鄯州城內管兵五百人馬五
十足積石軍在鄯州城內管兵八十里管兵七千人馬三百
足鎮西軍在河州城內管兵萬人馬三百足平夷
守捉在河州西南四
千里管兵三千人
劔南節度使西抗吐蕃南撫蠻獠

統團結營及松維蓬恭雅黎姚悉等八州兵馬天寶平

戎昆明寧遠澄川南江等六軍鎮劔南節度使治在成
都府管兵三萬九百

人馬二千足衣賜八十萬足段軍糧七十萬石團結營
在成都府城內管兵四千人馬七千八百足翼州管兵

五百人茂州管兵三百人維州管兵五百人天寶軍在
恭州東南九十里管兵三千人拓州管兵五百人松州管

兵二千八百人平戎城在恭州南八十里管兵千人雅
州管兵四百人當州管兵五百人黎州管兵千人昆明

軍在萬州南管兵五千一百人馬二百足寧遠城在萬
州西管兵三百人姚州管兵三百人澄州守捉在姚州

東六百里管兵二千二百人馬三百人
兵五千五百人南江郡管兵三百人
嶺南五府經畧使綏靜

夷獠統經畧清海二軍桂管容管安南邕管四經畧使

欽定四庫全書

舊唐書
卷三十八

七

五府經畧使治在廣州管兵萬五千四百人輕稅本鎮
以自給經畧軍在廣州城內管兵五千四百人清海軍
在思州城內管兵二千人桂管經畧使治在桂州管兵千
人容管經畧使治在容州管兵一千一百人安南經畧使治
安南都護府即交州管兵四千二百人
百人邕管入經畧使管兵七百人
長樂經畧使福州刺
管兵千
東萊守捉萊州刺史領
之管兵千人
東牟守捉登州刺史領
之管兵千人
至德之後中原用兵刺史皆治軍戎遂有防禦團練制
置之名要衝大郡皆有節度之類寇盜稍息則易以觀
察之號東都畿汝防禦觀察使領汝州東都
留守兼之
河陽三城
節度使治孟州領
孟懷二州
宣武軍節度使治汴州管汴
宋毫潁四州
義成軍

節度使治滑州管滑忠武軍節度使治許州管許天平

軍節度使治鄭州管鄭充海節度使治兗州管兗武寧

軍節度使治徐州管徐平盧軍節度使治青州管淄陝

州節度使治陝州管潼關防禦鎮國軍使治華州管同州

防禦長春宮使治同州管鳳翔節度使治鳳翔府管邠

寧節度使治邠州管邠涇原節度使治涇州管涇

朔方節度使治靈州管鹽夏綏銀宥河中節度使治河中府

管蒲晉絳昭義軍節度使治潞州管潞澤河東節度使

欽定四庫全書卷三十八唐書

治太原府管汾遼大同軍防禦使治雲州管朔州魏博

節度使治魏州管魏義昌軍節度使治滄州管滄成

德軍節度使治恒州管恒義武軍節度使治定州管幽州

節度使治幽州管幽山南西道節度使治興

管開通渠興集鳳洋蓬山南東道節度使治襄州管襄

利壁巴閬果金商等州復均房鄧唐

隨鄧等州元和中淮蔡用兵荆南節度使治江陵府管

折鄧唐二州別立一節度歸夔峽忠萬

親王領之劍南西川節度使治成都府管彭蜀漢眉

奉疊靜等州使親王領之劍南東川節度使治梓州

劍普榮遂合武昌軍節度使治鄂州管鄂岳淮南節度

使治揚州管揚楚滁和舒浙江西道節度使治潤州管

湖等州或浙江東道節度使治越州管越福

為觀察使宣州觀察使治宣州管宣江

建觀察使治福州管福宣州觀察使治宣州管宣江

南西道觀察使治洪州管洪湖南觀

察使治潭州管潭衡柳黔中觀察使治黔州管黔

葉奏南嶺南東道節度使治廣州管廣韶循高義新勤實

等嶺南西道桂管經畧觀察使治桂州管桂昭蒙富梧

欽定四庫全書卷三十八唐書

象柳融邕管經畧使治邕州管邕桂黨攬容管經畧使

治容州管容辦白羊安南都護節度使治安南府管交

日福祿州長峯陸廉雷龍上元年後河西隴右州郡悉

環崖僊振瓊萬安等州

臨吐蕃大中咸通之間隴右遺黎始以地圖歸國又折

置節度秦州節度使治秦州管秦涼州節度使治涼州

鄯臨河瓜沙節度使治沙州管沙瓜甘乾符之後天下

亂離禮樂征伐不自朝廷禹迹九州瓜分廢割或併或

折不可備書今舉天寶十一載地理唐土東至安東府

西至安西府南至日南郡北至單于府南北如前漢之

盛東則不及西則過之

漢地東至樂浪玄菟今高麗渤海是也今在遼東非唐土也漢

境西至燉煌郡今沙州是唐土又龜茲是西過漢之盛也開元二十八年戶部計帳

凡郡府二百二十有八縣千五百七十有三羈縻州郡

不在此數戶八百四十一萬二千八百七十一口四千

八百四十四萬三千六百九應受田一千四百四十萬

三千八百六十二頃一十三畝雖未盈兩漢之數晉魏

以來斯為盛矣永泰之後河朔隴西淪於寇盜元和掌

欽定四庫全書

舊唐書卷三十八

十

計之臣嘗為版簿二方不進戶口莫可詳知今但自武

德已來備書廢置年月其前代沿革畧載郡邑之端俾

職方之臣不殆於顧問耳

十道郡國

關內道一

河南道二

關內道

京師 秦之咸陽漢之長安也隋開皇二年自漢長安

故城東南移二十里置新都今京師是也城東西十八

里一百五十步南北十五里一百七十五步皇城在西

北隅謂之西內正門曰承天正殿曰太極太極之後殿

曰兩儀內別殿亭觀三十五所京師西有大明興慶三

宮謂之三內有東西兩市都內南北十四街東西十一

街街分一百八坊坊之廣長皆三百餘步皇城之南大

街曰朱雀之街東五十四坊萬年縣領之街西五十四

坊長安縣領之京兆尹總其事東內曰大明宮在西內

之東北高宗龍朔二年置三門曰丹鳳正殿曰含元含

欽定四庫全書

舊唐書卷三十八

十一

元之後曰宣政宣政左右有中書門下二省弘文史二

館高宗已後天子常居東內別殿亭觀三十餘所南內

曰興慶宮在東內之南隆慶坊本玄宗在藩時宅也自

東內達南內有夾城複道經通化門達南內人主往來

兩宮人莫知之宮之西南隅有花萼相輝勤政務本之

樓禁苑在皇城之北苑城東西二十七里南北三十里

至灊水西連故長安城南連京城北枕渭水苑內離宮

亭觀二十四所漢長安故城東西十三里亦隸入苑中

苑置西南監及總監以掌種植

京兆府 隋京兆郡領大興長安新豐南鄭華陰藍田
鄠藍屋始平武功上宜醴泉涇陽雲陽三原宜君同官
華原富平萬年高陵二十二縣武德元年改為雍州改
大興為萬年萬年為櫟陽分櫟陽置平陽以渭南縣屬
華州分醴泉置溫秀縣分雲陽置石門縣二年分萬年
置芷陽縣分藍田置白鹿縣分涇陽始平置咸陽縣分
高陵置鹿苑縣改平陵為栗邑縣分醴泉置好時縣分
欽定四庫全書

舊唐書
卷三十八

十三

陽縣廢上宜入岐州之岐陽縣十七年罷宜州以華原

同官二縣來屬二十年又置宜君縣永徽二年廢宜君
縣乾封元年置明堂乾封二縣咸亨元年置美原縣文
明元年置奉天縣天授元年改雍州為京兆郡其年復
舊二年分始平武功奉天藍屋好時等縣置稷州雲陽
涇陽醴泉三原富平美原等縣置宜州大足元年罷以
鴻宜鼎稷四州依舊為縣以始平等十七縣還隸雍州
長安二年廢乾封明堂二縣景龍二年以邠州之永壽
商州之安業二縣來屬景雲元年復以永壽屬邠州安
業隸商州開元元年改雍州為京兆府復隋舊名四年
改同州蒲城縣為奉先縣仍隸京兆府天寶元年以京
師為西京七載置貞符縣十一年廢舊領縣十八戶二
十萬七千六百五十口九十二萬三千三百二十天寶
領縣二十三戶三百九十六萬二千九百二十一口一
十六萬七千一百東京八十八府理京城之光德坊去
東京八百里

舊唐書
卷三十八

十三

萬年 隋大興縣武德元年改為萬年乾封元年分置

明堂縣治永樂坊長安三年廢復併萬年天寶七載改

為咸寧乾元復舊也 長安 隋縣乾封元年分為乾

封縣治懷直坊長安三年廢復併長安 藍田 隋縣

渭南 隋縣武德元年屬華州五年復隸雍州天授

二年置鴻州分渭南置鴻門縣凡領渭南慶山高陵櫟

陽鴻門五縣尋廢鴻門縣還入渭南大足元年廢鴻州

入雍州也 昭應 隋新豐縣治古新豐城北垂拱二

欽定四庫全書

舊唐書
卷三十八

十四

年改為慶山縣神龍元年復為新豐天寶二年分新豐

萬年置會昌縣七載省新豐縣改會昌為昭應治溫泉

宮之西北 三原 隋縣武德四年移治清父南故任

城改為池陽縣六年又移故所改為華池縣仍分置三

原縣屬北泉州貞觀元年廢三原縣仍改華池縣屬三

原縣屬雍州九年置高祖獻陵於縣之東南天授元年

改隸鼎州大足元年隸京兆府 富平 隋縣天授二

年隸宜州大足元年州廢還隸雍州景雲二年置中宗

房陵於縣界 櫟陽 隋萬年縣武德元年改為櫟陽

二年分置粟邑縣貞觀八年廢粟邑併櫟陽天授三年

隸鴻州大足元年還隸雍州 咸陽 隋廢縣武德二

年復分涇陽置初治鮑橋其年移治杜郵天授二年則

天以其母順陵在其界升為赤神龍初復 高陵 隋

縣天授二年隸鴻州大足元年還雍州 涇陽 隋縣

天授二年隸鼎州大足元年還雍州 醴泉 隋寧夷

縣後廢貞觀十年置昭陵於九嵎山因析雲陽咸陽二

欽定四庫全書

舊唐書
卷三十八

十五

縣置醴泉縣天授元年改隸鼎州大足元年還雍州寶

應二年又置肅宗建陵在縣北之憑山 雲陽 隋縣

武德元年分置石門縣三年於石門縣置泉州領石門

溫秀二縣貞觀元年廢泉州改石門為雲陽改雲陽為

池陽並屬雍州八年廢雲陽改池陽復名雲陽 興平

隋始平縣天授二年隸稷州大足元年還雍州景龍

四年中宗送金城公主入蕃別於此因改金城縣至德

二年十月改興平縣 鄠 隋縣 武功 隋縣武德

三年分雍州之武功好時蓋屋扶風四縣置稷州因后
稷封邵為名其年割郿州之郿鳳泉二縣來屬四年又
割岐州之圍川鳳泉屬岐州以蓋屋好時武功三縣屬
雍州天授二年置稷州領武功始平奉天蓋屋好時五
縣大足元年還屬雍州 好時 武德二年分醴泉縣
置因漢舊名屬雍州三年改隸稷州貞觀元年復屬雍
州天授二年復隸稷州大足元年還屬雍州 蓋屋

欽定四庫全書

舊唐書
卷三十八

十六

隋縣武德三年屬稷州貞觀三年還雍州天授二年屬
稷州大足元年還雍州天寶元年改為宜壽縣至德三
年三月十八日復為蓋屋 奉先 舊蒲城縣屬同州
開元四年以管橋陵改京兆府仍改為奉先縣十七年
制官員同赤縣寶應二年又置玄宗泰陵於縣東北
奉天 文明元年以管乾陵分醴泉置天授二年隸稷
州大足元年還雍州 華原 舊宜州領華原宜君同
官土門四縣貞觀十七年省宜州及土門縣以華原同
官屬雍州宜君屬坊州垂拱二年改華原為永安縣天

授二年又置宜州領永安同官富平美原四縣大足元
年廢宜州縣還雍州神龍元年復為華原縣 美原

舊宜州土門縣貞觀十七年廢咸亨二年又割富平華
原及同州之蒲城縣置改為美原縣天授二年又屬宜
州大足元年還雍州 同官 屬宜州貞觀十七年改
屬雍州天授二年改屬宜州大足元年還屬雍州

華州上輔 隋京兆郡之鄭縣義寧元年割京兆之鄭

縣華陰乃置華山郡因後魏郡名武德元年改為華州

欽定四庫全書

舊唐書
卷三十八

十七

割雍州之渭南來屬五年改渭南還雍州垂拱元年割
同州之下邽來屬二年改為太州神龍元年復舊名天
寶元年改為華陰郡乾元元年復為華州上元元年十
二月改為太州華山為太山寶應元年復為華州舊領
縣二戶一萬八千八百二十三口八萬八千八百三十
天寶領縣三戶三萬三千一百八十七口二十一萬三
千六百一十三在京師東一百八十里去東都六百七
十里

鄭 隋縣 華陰 隋縣垂拱二年改為仙掌縣天授二年分置同津縣於關口長安中廢神龍元年復為華陰上元元年改為太陰縣寶應元年復舊 下邳 隋縣舊屬同州垂拱元年來屬

同州上輔 隋馮翊郡武德元年改為同州領馮翊下邳蒲城朝邑澄城白水郃陽韓城八縣三年分朝邑置河濱縣分郃陽置河西縣分澄城置長寧縣仍割河西韓城郃陽三縣於河西置西韓州九年分馮翊置臨沮

欽定四庫全書

舊唐書
卷三十八

十八

縣貞觀元年省河濱臨沮二縣八年省長寧縣廢西韓州以郃陽河西二縣來屬垂拱元年割下邳屬華州開元四年割蒲城縣屬京兆府天寶元年改同州為馮翊郡乾元元年復為同州乾元三年以蒲州為河中府割朝邑縣入河中府改河西縣為夏陽縣又屬河中府舊領縣九戶五萬三千三百一十五口二十三萬二千一十六天寶領縣六戶六萬九百二十八口四十萬八千七百五在京師東北二百五十五里至東都六百二里

馮翊 隋縣 郃陽 隋縣 武德三年割屬西韓州貞觀八年復屬同州 白水 隋縣 澄城 隋縣

韓城 隋縣 武德七年割屬西韓州八年自河西縣移西韓州理於此領韓城郃陽河西三縣貞觀八年廢西韓州以韓城等三縣復還屬同州也 夏陽 武德三年分郃陽於此置河西縣乾元三年復為夏陽坊州上 隋上郡之內部縣周天和七年元皇帝作牧鄜州於此置馬坊武德二年分鄜州置坊州以馬坊為

欽定四庫全書

舊唐書
卷三十八

十九

名天寶元年改為中部乾元元年復為坊州舊領縣二戶七千五百七口一萬一千六百七十一天寶領縣四戶二萬二千四百五十八口十二萬二百八在京師東北三百四十七里去東都九百四十八里

鄜城 隋縣武德元年屬鄜州二年改屬坊州 中部 隋曰內部武德元年屬鄜州二年改為中部屬坊州 宜君 舊屬宜州貞觀十七年廢二十五年復置屬

雍州管玉華宮永徽二年復廢龍朔三年又割中部同

兩縣地復置宜君縣理古役祠城北屬坊州 昇平

天寶十二年分宜君縣置

丹州下 隋延安郡之義川縣義寧元年於義川置丹

陽郡武德元年改為丹州領縣五二年於州置總管府

北連北廣二州貞觀元年罷都督府天寶元年改為咸

寧郡乾元元年復為丹州舊領縣五戶三千一百九十

四口一萬七千二十天寶戶一萬五千一百五口八萬

七千六百二十五在京師東北六百一十一里去東都

欽定四庫全書

舊唐書
卷三十八

二十

九百二十里

義川 隋縣 汾川 隋縣治土壁堡開元二十二年

移於今所 咸寧 隋縣治白水川景龍二年移治長

松川 雲巖 隋廢縣武德元年復分義川縣置理迴

城堡咸亨四年移治今所 門山 隋廢縣武德三年

分汾川縣置治宋斯堡總章二年移治庫利川

鳳翔府 隋扶風郡武德元年改為岐州領雍陳倉郿

號岐山鳳泉等六縣又割雍等三縣置圍川縣其年割

圍川屬稷州貞觀元年廢稷州以圍川及鄜州之麟遊

普潤等三縣來屬七年又置岐陽縣八年改圍川為扶

風縣省號縣及鳳泉天授二年復置號縣天寶元年改

為扶風郡至德二年肅宗自順化郡幸扶風郡置天興

縣改雍州為鳳翔縣並治郭下初以陳倉為鳳翔縣乃

改為寶雞縣其年十月克復兩京十二月置鳳翔府號

為西京與成都京兆河南太原為五京寶應元年併鳳

翔縣入天興縣後罷京名舊領縣八戶二萬七千二百

欽定四庫全書

舊唐書
卷三十八

三十一

八十二口十萬八千三百二十四天寶領縣九戶五萬

八千四百八十六口三十八萬四千六百六十三在京師西

三百一十五里去東都一千一百七十里

天興 隋雍縣至德二年分雍縣置天興縣寶應元年

廢雍縣併入天興 扶風 武德三年分岐山縣置圍

川縣取漳川為名俗訛改為圍四年以圍川隸稷州貞

觀元年為扶風縣復屬岐州 寶雞 隋陳倉縣至德

二年二月十五日改為鳳翔縣其月十八日改為寶雞

岐陽 貞觀七年割扶風岐陽二縣置至二十一年

廢永徽五年復置 岐山 隋縣武德元年移治張堡

七年移治龍尾城貞觀八年移治猪驛南即今治所是

仍省號縣併入 郿 隋縣義寧二年於縣界置郿城

郡領郿鳳泉二縣武德元年罷郡置郿州領郿縣三年

廢郿州改屬稷州七年改屬岐州 麟遊 義寧元年

於仁壽宮置鳳棲郡及麟遊縣其郡領麟遊上宜普潤

三縣二年改為麟遊郡及靈臺縣仍割安定郡之鶉觚

欽定四庫全書

舊唐書
卷三十八

三

來屬武德元年改麟遊郡為麟州貞觀元年省靈臺縣

入麟遊又廢麟州以普潤麟遊二縣隸岐州上宜隸雍

州鶉觚隸涇州太宗改仁壽宮為九成宮 普潤 隋

縣本屬麟州貞觀元年來屬 號 隋縣貞觀八年廢

入岐山縣天授二年復分岐山置號縣

邠州上 隋北地郡之新平縣義寧二年割北地郡之

新平三水二縣置新平郡武德元年改為邠州二年分

新平置永壽縣貞觀二年又分新平置宜祿縣開元十

三年改縣為邠天寶元年改為新平郡乾元元年復為

邠州舊領縣四戶一萬五千五百三十四口六萬四千

八百一十九天寶戶二萬二千九百七十七口十三萬

五千二百五十去京師西北四百九十三里至東都一

千一百三十二里

新平 隋縣 三水 隋縣 永壽 武德二年分新

平置神龍三年改屬雍州景龍元年復屬邠州 宜祿

貞觀二年分新平置宜祿縣後魏廢縣名

欽定四庫全書

舊唐書
卷三十八

三

涇州上 隋安定郡武德元年討平薛仁果改名涇州

天寶元年復為安定郡乾元元年復為涇州舊領縣五

戶八千七百七十三口三萬五千九百二十一天寶戶

三萬一千三百六十五口十八萬六千八百四十九在

京師西北四百九十三里至東都一千三百八十七里

安定 隋縣 靈臺 隋鶉觚縣天寶元年改為靈臺

良原 隋陰盤縣天寶元年改為潘源縣界有潘源

廢縣 臨涇 隋縣

隴州上 隋扶風郡之汧源縣義寧二年置隴東郡領縣五武德元年改為隴州以南由縣屬含州四年廢含州復以南由來屬天寶元年改為汧陽郡乾元元年復為隴州舊領縣五戶四千五百七十一口一萬八千六百三天寶戶二萬四千六百五十二口十萬一百四十八在京師西四百九十六里去東都一千三百二十五里

欽定四庫全書

舊唐書
卷三十八

五

汧源 隋縣 汧陽 隋縣 南由 隋縣武德元年置含州於此領南由一縣四年廢含州以縣屬隴州吳山 隋長蛇縣貞觀元年改為吳山縣治槐衙堡上元元年移治龍盤城 華亭 隋縣 垂拱二年改亭川神龍元年復舊

寧州上 隋北地郡義寧元年領定安羅川襄樂彭原新平三水六縣二年分定安置歸義縣以新平三水屬新平郡武德元年改北地郡為寧州其年以彭原縣屬彭州三年分彭原置豐義縣屬彭州又分定安置平定

縣貞觀元年廢彭州以彭原豐義二縣來屬仍於寧州置都督府四年罷都督府十七年廢歸義縣天寶元年改為彭原郡乾元元年復為寧州舊領縣七戶一萬五千四百九十一口六萬六千一百三十五天寶領縣六戶三萬七千一百二十一口二十二萬四千八百三十七在京師西北四百四十六里去東都一千三百二十四里

欽定四庫全書

舊唐書
卷三十八

五

定安 隋縣 彭原 隋縣武德元年置彭州領彭原一縣二年分置豐義縣貞觀元年廢彭州以縣來屬寧州 真寧 隋羅川縣天寶元年改為貞寧 定平 武德二年分定安縣置貞觀十七年廢歸義縣併入定平 襄樂 隋縣 豐義 武德二年分彭原縣置屬彭州貞觀元年彭州來屬

原州中都督府 隋平涼郡武德元年平薛仁果置原州貞觀五年置都督府管原慶會銀亭達要等七州十年省亭達要三州唯督四州天寶元年改為平涼郡乾